

## Сув топилиши билан таяммум бузилиши | Ҳадис дарслари (257-дарс)



19:00 / 22.11.2023 3169

نَبِيَّ صُحْبِ نَبِ نَأْرُمُعُ نَع  
نَأْهُ نَعُ هَلْ لَأِ يَضَرُّ يِعْ أَرْخُ لَأِ  
هَلْ لَأِ يَلَّ صِ هَلْ لَأِ لُؤْسَر  
أَلْجَرِ يَأْرَمُّ لَسَوِ هَيْ لَع

يَفْلُصِي مَلَّالَ زَتُّمِ  
أَمْ نَأْفُ أَيَّ: لَأَقَفٍ، مَوْقِلًا  
؟ مَوْقِلًا يَفْلُصِي صُتُّ نَأَكَّعَنَمِ  
، هَلِّالِ لُوسَرِ أَيَّ: لَأَقَفٍ  
، أَمَّالِ وَوُءَبَانَجِ يَنْتَبَأَصَأ  
هُنَّأَفِ دِيَّعُ صِلَابِ كَيَّيَلَعٍ: لَأَقِ  
يِرَأْخُبُ لَأُ هَأَوْرَ: كَيَّيَلَعِ  
يُئِئَسُّ نَلَأُ

Имрон ибн Хусайн ал-Хузоъий розияллоху анхудан ривоят қилинади:

**«Расулulloҳ соллаллоҳу алайҳи васаллам одамлар билан намоз ўқимай, ажраб, четда турган бир одамни кўриб қолдилар ва:**

**«Эй фалончи, одамлар билан намоз ўқишингдан сени нима ман қилди?» дедилар.**

**«Эй Аллоҳнинг Расули, менга жунублик етган эди. Сув йўқ», деди.**

**У зот соллаллоҳу алайҳи васаллам:**

**«Сен учун пок тупроқ бор. Албатта, у сенга кифоя қилур», дедилар».**

*Бухорий ва Насай ривоят қилганлар.*

Ушбу ҳадисдан олинадиган фойдалар:

1. Шариатга хилоф иш қилган одамни кўрганда, ундан нима учун бундай қилганини сўраш лозимлиги. Ўздан сўрамай туриб, унинг устидан ҳукм чиқариб юбормаслик.

Пайғамбаримиз соллаллоҳу алайҳи васаллам жамоат билан намоз ўқимаган одамни кўриб, унга:

«Сен жамоат билан намоз ўқимаганинг учун фалон бўлдинг», демадилар. Балки:

«**Одамлар билан намоз ўқишингдан сени нима ман қилди?**» дедилар. Сўнгра унинг жавобига қараб, ҳукм чиқардилар.

2. Сув топа олмаган одам таяммум қилиши.

3. Жунубликдан ҳам таяммум қилиш мумкинлиги.

Таҳоратнинг ўрнига қилинадиган таяммум ҳам, ғуслнинг ўрнига қилинадиган таяммум ҳам бир хил бўлади.

4. Таяммум учун пок тупроқ бўлиши кераклиги.

Бу ҳам Ислом шариатининг мусулмонларга иложи борича осонлик яратишига далилдир.

هُنَّعُ هَلَلَا يَضَرُّ رَزِي بَأْنَعُ  
هَيْلَعُ هَلَلَا يَصِيْبُنَلَا نَعُ  
دِيْعُ صِلَانَا لَأَقَمَّ لَسَو  
نَاوِ مَلْسُمُ لَأُؤُضَو بِي طَلَا  
نِي نَسَ رَشَعَا مَلَا دِجِي مَل  
سُمِّي لَفَا مَلَا دَجَو إِذِإْف

# هُأَوْرُ رُزِيخَ كُلِّ ذِي نِإْفٍ هَتَرَ شَبِّ بِنَنْ سَلَا بِأَخْصَاءِ

Абу Зарр розияллоху анҳудан ривоят қилинади:

**«Набий соллаллоху алайҳи васаллам:**

**«Албатта, пок тупроқ, агар ўн йилгача сув топа олмаса ҳам, мусулмоннинг покланиш воситасидир. Қачон сув топса, уни баданига етказсин. Албатта, ўша хайрлидир», дедилар».**

*«Сунан» эгалари ривоят қилганлар.*

Ушбу ҳадисдан олинадиган фойдалар:

1. Покиза тупроқ сув йўқ пайтида покланиш воситаси эканлиги.

Яъни, ибодат учун таҳорат ва ғусл ўрнига ўтадиган рамзий покланиш воситасидир.

2. Таяммум учун вақт чегараланмаганлиги.

Унинг қанчагача давом этиши сувнинг бор ёки йўқ эканлигига боғлиқлиги.

3. Сув топилиши билан таяммум бузилиши.

4. Етарли сув бор жойда узрсиз таяммум қилиб бўлмаслиги.

**«Ҳадис ва ҳаёт» китобининг 4-жузи асосида тайёрланди.**

Ушбу китоб Ўзбекистон Республикаси Дин ишлари бўйича қўмитанинг 2022 йил 18 февралдаги 03-07/1102-рақамли хулосаси асосида чоп этилган.